

武英殿聚珍版丛书

天

地

人

物

事

理

法

道

文恭集卷十一

宋

胡

宿

撰

表

代中書樞密院謝賜三朝寶字訓鑒圖表

天光燭臨王人降蒞神毫映發繪事照陳獲凡目之榮

瞻增愚衷之慶忭

中謝

恭以國家自一戎之變伐經五代

之荒屯文匿采而弗昭式淫威而未戢太祖皇帝削平
多壘式遏橫流中區始混于車書生民得去于湯火太
宗皇帝纂戎以睿右治在文躋俗中和之隆同風巍煥

之盛真宗皇帝靜淵豐穆緝熙光明協于二后之華粹
乃一王之體厥初締構以屬盛盈聖算成功彌文盛德
洋洋盡美蕩蕩難名至于裁決繁機奮耀英斷署鳳毛
之尾摘犀管之英莫不墨寶相輝神鋒迴拔居然鸞鶴
之翥蔚有龍虎之威祖宗多能固天之攸縱聖明善述
歷世而彌光伏惟皇帝陛下道德昭前聰明時憲規恢
祖服務廣先猷攷合神書搜羅遺藁竒蹤畢獲顯跡槩
揚畱聖思于勒成命侍臣而類次形于方版之鏤參諸
設色之明序以宸章置之禁坐蓋將訂盤盂之作況几

杖之銘式遵燕翼之謀用慎起居之戒茲惟不朽之事
以永無疆之休臣叨預宰聯親逢盛際禁嚴趣召已覲
寶跼之文祕副辱頒有踰拱璧之賜誓榮藏于衡華永
傳奉于昆雲

代中書樞密院謝許御製樂章表

近上表陳乞御製天地祖宗樂章事伏奉批詔所乞宜
允者上睿作歌冒適于章請至聰垂聽申荅于詔音恭
聆曰俞相趨載躍中謝伏惟皇帝陛下紹休基緒獨運陶
甄脩闊典而勃興奉先猷而善述恢張治具皇建極于

大中總緝禮文邈同風于魏煥多能攸縱衆志必通天
翰載飛妙龍鸞之翔翥宸章有作麗河漢之昭回鑽仰
難名範圍莫大屬講儀于宗祀方詠德于我將尙秘淵
懷且諭冲旨敕邇臣而咸述哀衆議而匪安以謂紀綱
四聲必資于睿律章施萬物當賴于慶雲因露需頭之
封竊祈元首之作昭明盛德冠映衆篇太陽回光不遺
于微藹秋風發詠許揆于秀蘭告成祖宗對越穹厚韶
盡美矣行覩于來儀禹無間然允彰于致孝天人胥慶
策牘相輝臣等竊邁亨嘉無施贊補獲奉批章之荅併

增度曲之榮

中書乞賜御製表

西清繹志東壁垂文幸諧物覩之榮竊冀恩頒之寵輒

茲披露倍極震惶

中謝

伏惟皇帝陛下駿惠在躬直明宣

業總郁彬而成化宅淵靜以凝神堯德始于欽明被于
四表湯聖由乎脩紀正厥萬邦克念惟勤允恭若厲洪
惟元嗣夙茂英徽上庠之典式觀載崇術教內豎之詢
弗匱攸踵溫文且復歷探前世之規躬抒有章之作聿
中慈訓益懋凝猷而又儲思濩燮之中研幾繫象之表

索至精之理智同于萬殊宣尙要之辭體包于三變金
聲迭振緹帙相輝與經義以備陳居爲代寶兼天常而
廣布用厚民風而臣等備位黃樞侍觀綈几珠躔逖仰
慚測管以非周瓊蘊悉披慶出圖之期偶竊懷聳抃彌
激傾虔恭祈容照之私庶適傳家之願其前御製伏望
聖慈各賜一本所冀洗心祇誦以獲于漱芳清室謹藏
永期于承式

中書謝宣赴清景殿觀御書賜宴表

紫闥沖深綈囊充積實元儲之善訓許下士以恭窺久

奉宣游游蒙示惠仰懷殊遇內積至榮

謝中

伏惟皇帝陛

下亶穆御邦哲明稽古蘊多能而乃聖臻大定以無爲
承孚佑之祥奉之虔輦集累仁之慶俾厥熾昌爰崇建
于東闈用固安于大本若乃孝恭天賦敏惠日躋自稟
夙成非由外獎而陛下深敦慈勗茂闡良規攷述作之
大方垂睿明之諄誨復以章天之御藻藏府之前編聿
昭齒學之風竝示賜書之寵載形中旨悉念邇臣趨祕
禁之凝嚴侍威顏之咫尺瞻璧日重輪之曜慶偶亨辰
踐玉山四徹之塗鋪觀奧典宸辭綺煥仙翰雲飛若龜

負以攸傳豈管窺之能測足使上庠崇術更廣于多聞
步障題篇遠慙于懿戒矧惟邃宇邈處層霄飛闥連延
華題照灼山擬蓬而轉遶池象璧以縈流沓絕世氛臭
侔真境乃閒宴凝神之地蓋齋居味道之庭羣帝下觀
百靈潛護居然物外理絕階升猥沐詳延仍容泛覽塵
眸乍刮俗骨疑輕恍若夢于鈞天飄如乘于飈駕而又
沛風發唱堯酒分甘徵繼屬于良康浹懽愉于酣湑鍾
千齡之契遇極三接之便蕃臣等謬忝近司無裨至治
荷顧存之尤異申荅效以何階

謝賜衣服鞞轡馬表

伏蒙聖慈以臣授前件職蒙恩賜臣衣一襲金腰帶一條金鍍銀鞞轡馬一匹者祇荷寵榮伏增悚覲竊以輿焉之錫用以飾恩服物之章茲焉旌禮矐言近侍抑著通規惟華光拜職之初均禁林加惠之厚衣頒御府馬出王閑耀韉轡陸離之光被帶環精麗之飾宜屬思文之后稽若前猷寵綏承學之臣昭茲異數自匪博通之選曷膺渥異之恩如臣者謬以瑣才尸于禁掖莅事積惟煩之誚不學有將落之譏實無補于演裁俄有叨于

進讀已玷近嚴之職仍兼賚予之榮乏鄒彥明經之能
慚漢臣稽古之力徒成妄施冒報曲慈

又謝賜衣服鞶轡馬表

複門天近遂獲兼榮二閣神深更容再至仍拜便蕃之
賜益深俯偃之懷竊以車服之章以旌稽古名器之分
戒在假人自非閎博之流莫膺蕃庶之錫如臣者性未
入道學不經師語人地則遠孤論才質而空劣撫草茅
之藁質偶值時來參筆橐之禁聯豈繇德舉已叨官于
玉署復增職于金華仍稽加惠之文且厚敷經之眷延

英開閣御府賜衣上駟之馬旣閑載華韉飾裏蹏之金
有赫增耀帶環顧疵賤以奚堪在寵靈而過泰曳婁弗
稱彼已爲慚誓捐一介之軀以荅九乾之施

謝兼侍讀學士表

命出曲慈恩加舊物邇英之籍絕而復通禁林之聯榮
而兼綰省躬非據承寵若驚

中謝

竊以訪道觀書聖人之

高致執經摘句儒者之難才自非直諒多聞宏通精識
疇膺顧問參備侍宸如臣者性質樸疎器能隘薄起一
介之白士逢千載之亨期粵自脫巾寢叨非服遄從右

史亟踐西臺蒙甄書詔之勞嘗忝敷經之列才不足以
宣暢明命學不足以開益睿明甫參西序之榮驟被北
門之召一去金華之業寢廢研覃久汙玉堂之居更慚
空素固常襍被忽奉如綸再陪大雅之羣重侍便朝之
讀自惟庸淺曷奉討論職思其憂心焉如灼此蓋伏遇
皇帝陛下特回簡照收採方愚許入廁于衆賢伴嗣脩
于前職欽惟將聖稟自亶聰羣下莫企于清光分寸曷
裨于淵智敢不申尋緒業溫繹舊聞用磨衰鈍之姿少
荅高明之選

乞贈李昭述官賻卹其家表

臣等伏以甄德表行紀功恤逝聖王之仁政也竊見故翰林侍讀學士尚書右丞李昭述德範純深夙性耆俊行脩而才敏氣沖而節和然以賢公之孫名臣之子弈世濟美弱冠立朝臺閣典章多所該識中外事任莫不厭服竭盡近職晚侍經幃志慮益恭年力克壯近緣齋禁嬰疾臥廬遘蒙告恩許還私第寢以縣劇遂至隕喪臣竝叨講讀同籍祕嚴常僚之情實憎楚愴愴章之飾輒有控訴伏望聖慈許依近例優贈昭述一官賻卹其

家魂而有知死必無恨誓將結草陰報漏泉臣等無任
祈天俟命之至

辭免端明殿學士翰林學士兼侍讀表

臣今準閣門告報降到告敕各一道蒙恩授臣兼端明
殿學士依舊翰林學士知制誥兼翰林侍讀學士者恩
雖特出事本彙征降命自天處躬無地敢叨妄施須叩
至聰竊念臣器質隘疎天資樸訥以一介之固陋值千
載之休明起自腐生羣于大雅寢叨非服盡出曲慈待
對承明之廬進讀邇英之閣徒循持于章句莫開廣于

聰明文翰之司一登于方丈禁嚴之地四對于浴堂每
惟介拙之才久闕翹英之路未能引退敢復僥榮豈謂
謬恩申加近職况寵靈之過泰豈名實之相賓若冒榮
章彌速公議伏望皇帝陛下濬開俞旨追寢命書俾爰
極陋之姿得安至當之分免詒謗累更益過尤惟竭孤
忠以酬鴻造

謝兼端明殿學士表

祇膺寵渥伏積兢惶竊念臣性本方愚才非秀特早遇
治平之治猥塵禁近之司繼忝崇恩益升祕職荷榮名